

Kanuni takatifu iliandikwa na Mchungaji Sun Myung Moon huko Korea. Ujumbe wake ulioandikwa kwa lugha ya Kikorea ulitafsiriwa kwa mara ya kwanza kwa Kiingereza na sasa umetafsiriwa kutoka Kiingereza hadi Kiswahili. Kanuni hii takatifu inafungua njia kwa yule anayetafuta majibu ya ukweli kwa maswali mengi ya kimsingi hii si tafsiri rasmi kwa mujibu wa baraza la Kiswahili Bakita na tunaomba kwa unyenyekevu msomaji asiwe mkali hata kidogo katika uwasilishaji na tafsiri, jambo ambalo si la moja kwa moja. kutoka Makao Makuu ya kanisa la umoja, lakini kwa wafuasi rahisi na wa kujitolea wa Baba Moon, wanapotaka kusambaza ujumbe wake kwa watu wanaozungumza Kiswahili. Tunapenda kukualika usome kwa makini kitabu hiki kitakachokupa maono mapya ya ulimwengu. na itabadilisha maisha yako yote.

SURA YA SITA.

(PREDESTINATION)

KUANDIKIWA.

Upungufu wa mafundisho ya kiutamaduni kuhusu ya kuandikiwa umekuwa ndiyo chanzo cha mtafaruku miongoni mwa wanatheolojia na miongoni mwa wanadini na miongoni mwa wacha Mungu. Kuandikiwa katika maana yake kubwa zaidi, ni mafundisho ambayo husema vitu vyote na matukio vimetabiriwa (kuandikiwa) kihatima na Mungu katika kuelekea ukamilisho wa lengo lake milele. Katika maana ndogo, funzo la kuandikiwa hufundisha kuwa wokovu wa binadamu au kulaaniwa inaelekezwa kwa upekee na Mungu na haitokani na jitihada zake binadamu.

Nadharia mbalimbali za kuandikiwa zinapata msingi wake mkubwa kutoka Agano Jipya, na hasa sura ya 8,9 na ya 11 ya barua ya Mtakatifu Paulo akiwaandikia Warumi. Katika sura hizo, Paulo anaweka msisitizo katika rehema kama msingi pekee wa wokovu na kuteuliwa na Mungu. Vifungu vingine katika biblia, vinaweza kutafsiriwa vikionyesha hali zote za maisha ya binadamu kwamba hutabiriwa (hupangwa) na Mungu, kwamba furaha na mikasa ya binadamu na bahati na mikosi, pamoja na kuinukia na kuangamia kwa mataifa vyote hupangwa na Mungu.

**Vipengele vya Biblia vinavyo onekana
kusisitiza kuandikiwa kamili**

Warumi 8 : 29-30 Warumi 9: 15-16
Warumi 9 : 10-13 Warumi 9: 21

**Vipengele vya Biblia vinayo pinga
kuandikiwa kamili**

Mwanzo 2: 17 Ezeieli 33: 11
Yoh. 3: 16 Yonah 3: 10
Mathayo 7: 7-8 Marko 5: 34
Mwanzo 6: 5-7 Yakobo 5: 14-15
1 Samueli 15: 11

Kwa namna nyingine, kuna vipengele vingi ambavyo hupinga hoja hii. Kwa mfano, pale tuonapo ona kwamba Mungu alimkataza mwanamume na mwanamke wa kwanza wasile tunda la mti wa ujuzi wa mema na uovu (Mwanzo 2 :17) inakuwa dhahiri kuwa anguko la mtu halikupangwa na Mungu, lakini yalikuwa matokeo ya mtu kukosa utiifu. Yesu alisema “.....kwa jinsi hiyo Mungu aliipenda Dunia na akamtoa Mwanae wa Pekee, yakuwa yoyote amwaminiye hatoangamia bali awe na uzima

wa milele“ (Yoh. 3 :16). Kwa kutumia neno ‘yeyote’ Yesu alionyesha kuwa wokovu upo wazi kwa kila awaye yote, na hivyo hakuna anayepangiwa laana.

Katika Mathayo 7 :7 Yesu alisema, ‘ombeni mtapewa, tafuteni mtapata, bisheni mtafunguliwa. Kwani kila aombaye hupewa, na atafutaye hupata, na yule abishaye atafunguliwa’ (sisitizo limewekwa), kwa uwazi inadhihirishwa kuwa jitihada za binadamu zinachangia sana kubadili matukio, kwamba maisha hayaelekezwi tu na utabirisho mtakatifu.

Kama tungekubaliana bila sharti mafundisho ya kiutamaduni ya kuandikiwa yakinifu, hapo sala, mahubiri, wema, na jitihada za binadamu zisingekuwa na thamani katika Toleo la Mungu la Ukombozi. Hata hivyo, kama kila kitu kingepangwa kabisa na Mungu basi harakati za binadamu zisingetengua mwelekeo wa maisha uliowekwa sawa kabisa. Sasa hebu tujibu maswali yanayohusu kuandikiwa katika msingi wa Kanuni.

I : KUA NDIKIWA KWA NIYA YA MUNGU.

Kusudi la Mungu ni kuhitimisha adili lake juu ya Uumbaji. Kama matokeo ya anguko la mtu, kusudi la Mungu limebaki bila kutimizwa, na Mungu ilimbidi kufanya kazi ya kukamilisha kusudio hili kwa njia nyingine, Toleo la Ukombozi. Kwa kuwa Mungu ni mwema, lengo lake la asili la kuumba ni jema. Mungu asingeweza kuandikia jambo ambalo lingekwenda kinyume cha kusudi lake mwenyewe. Katika mwanga huu, tuna weza kuona ya kuwa Mungu asingeweza kumuandikia binadamu vitu kama anguko la mtu, dhambi na hukumu na kuadhibiwa kwa mtu.

Mungu : Mwema

Lengo la Mungu la kuumba : Jema


Kusudi la mpango wa Ukombozi : Jema

kuandikiwa : kwema

Kama Mungu alipanga anguko la mtu, basi kwa nini amtazame mtu mwenye dhambi na kusema, ya kuwa anasikitika kumuumba mtu (Mwanzo 6 :5-6) ? Kama matendo yote ya mtu yamepangwa na Mungu, basi kila anapotenda dhambi mtu, au kutokuwa mtii kwa Mungu, matendo haya pia lazima yawe ni matokeo yaliyopangwa na Mungu. Na kama dhambi zote ni matendo ya utovu wa nidhamu kwa Mungu ni mpango wa Mungu, basi kwa nini Mungu alichukizwa na matendo ya mfalme Sauli ya kutotii, na kwa nini ajutie kumfanya Sauli mfalme? (I Sam 15 :11)

Si anguko la mtu, wala ukosefu wa imani wa mfalme Sauli vilipangwa na Mungu, yalikuwa ni matokeo ya kushindwa kwao kutimiza wajibu. Na si kweli kwamba Mungu alipanga hukumu na adhabu ya mtu aliyeanguka. Mungu hatamani kuona mtu anateseka, kama ushahidi kutoka aya zifuatazo, ‘waambie watu, kama ninavyoishi Bwana Mungu, sina furaha kwa kufa mtu mdhalimu, lakini kwamba mdhalimu anabadili njia yake na kuishi, rudi, achana na njia zako za uovu, na kwa nini uje kufa, ee nyumba ya Israeli ? (Ezek 33 :11). Hivyo wakati ule, watu wa Ninive walipoacha njia

yao ya uovu na walipotubu dhambi zao, Mungu hakutimiza utabiri wake kwamba jiji lao lingetekwa (Yoh 3 :10) ni kama vile Mungu alivyosema katika Ezekieli 33 :14 – 15..... Ingawa nasema kwa waovu, ‘hakika mtakufa’ lakini kama ata achana na dhambi zake na atafuata sheria na kutenda haki, kama mwovu atadumisha ahadi, na kurudisha vile alivyochukua kwa wizi na kuenenda katika haki maishani, asitende uovu ; hakika ataishi, hatakufa.



Mungu : Wa milele, Asiyebadilika, ya kinifu

Kusudi la Mungu : Milele, lisiobadilika, yakinifu

Lengo la Mungu : Kutimiza Kusudi la Uumbaji na Kusudi la

Mpango wa Ukombozi

∴Lengo la Mungu : la milele, lisilo badilika, ya kinifu

Ni kwa kiwango gani Mungu ali andikia niya yake, ambayo ndiyo lengo lake la Uumbaji na Kusudi la mpango wake wa Ukombozi ? Mungu ni ya kinifu, wa milele, na asiye badilika ; Kwa hiyo niya yake ambayo ni kutimiza Kusudi Lake la Uumbaji na mpango wake wa Ukombozi lazima pia unakuwa yamilifu, wa milele na usiobadilika (Is 46: 11). Kwa kuwa niya ya Mungu ni yakinifu na lisiobadilika, mtu alieteuliwa na Mungu akishindwa kutimiza jukumu lake, Mungu ataendelea kutafuta kutimiza Lengo lake kwa kuchaguwa mtu mwingine katika nafasi yake.

II : MPANGO WA MUNGU WA KUTIMIZA KUSUDI LAKE.

Kama ilivyoelezwa katika “Kanuni ya Uumbaji”, Madhumuni ya uumbaji hutimizwa pale tu mtu anapotimiza wajibu wake, ambao ni kuishi kwa kufuata amri za Mungu. Kusudi la Mungu kwa ajili ya mpango wa Ukombozi, ambao ni kutimiza Dhumuni la Kuumba, ni yakinifu, na kwa hiyo liko zaidi ya chagizo la binadamu. Pamoja na hayo, kutimia kwa kusudi lake kunategemea kutimizwa kwa jukumu la mtu. Basi, kwa kiwango gani Mungu hupanga kutimizwa kwa kusudi lake ? Kusudi lake Mungu ni yakinifu, lakini kutimizwa kwa kusudi lake hutegemea kutimizwa kwa jukumu la mtu. Mungu huandikia kuwa kusudi lake litimizwe – lakini ni kwa kupitia tu katika kukamilisha kwa

pamoja jukumu la Mungu na lile la mteule wake. Tunaweza kusema kuwa jukumu la binadamu ni la asilimia tano (5%), na lile la Mungu ni la asilimia tisini na tano (95%), kama njia ya kuelezea kuwa jukumu la binadamu kwa kutimiza kusudi la Mungu ni dogo ukilinganisha na lile la Mungu. Hata hivyo, ili kukamilisha asilimia tano, binadamu lazima aweke juhudi za asilimia mia moja (100%).

Kutimizwa kwa kusudi la Mungu



Kutimizwa kwa jukumu la mtu



Kutimizwa kwa Jukumu la Mungu

Kiwango cha jukumu la mtu kwa kutimiza kusudi la Mungu

Jukumu la Mungu : 95 %

Jukumu la mtu : 5 %

Hivyo Mungu ali andikia kwamba kusudi lake likuwa litimie wakati ambapo Adam na Hawa watakapotimiza jukumu lao la kutokula tunda la mti wa ujuzi wa mema na mabaya (Mwanzo 2 :17). Katika mpango wa wokovu kupitia kwa Yesu, Mungu ali andikia kwamba mtu alie anguka angetimiza wajibu wake kwa kumuamini Yesu kama Masihi na kumfuata (Yoh 3 :16, Mt 19 :21). Bado mtu hajaweza kutekeleza wajibu wake wa sehemu ya jukumu lake, na hii imesababisha kutimizwa kwa toleo la Mungu kwa ajili Ukombozi kuchelewa tena na tena.

Kama vipengele vifuatavyo vya biblia vinavyoonyesha, hata katika maisha yetu ya kila siku, tunapokea rehema za wokovu kutoka kwa Mungu pale tu tunapotimiza wajibu wetu : “.....sala ya imani itamwoko mgonjwa.....” (waraka wa yak 5 :15); “.....imani yako imekuponya...” (Marko 5 :34); “... Kwa kila aombaye atapokea, na kwa yeyote atafutaye hupata, na kwa yule abishaye hufunguliwa” (Math 7 :8). Kwa uwazi, Mungu hu andikia ya kuwa rehema yake huweza kupokewa pale tu mtu anapotimiza wajibu wake.

III : KUANDIKIWA NA MUNGU KUHUSU MTU MTEULE.

Ili mapenzi ya Mungu yatimie, Mungu lazima amteue mtu mmoja atakayetimiza jukumu la kibinadamu (kama itakavyoelezwa katika “Uchambuzi wa Kanuni za toleo la Ukombozi”). Hata hivyo, mtu aliyeteuliwa na Mungu anaweza akatimiza wajibu wake au akashindwa kutimiza wajibu wake. Hivyo Mungu hapangi kwamba mtu aweze kutimiza kazi yake ambayo anatamani yeye kuwa. Basi je Mungu hupanga matukio ya mtu, na kama ndivyo ni kwa kiwango gani ?

Ndiyo Mungu hu andikia mtu. Mungu anpo mwandikia mtu kwa kazi fulani, humwandikia mtu huyo kwa “asilimia 95 (95 %)”. Kwa maneno mengine ni kwamba hummwandikia mtu kwa kiwango cha kwamba iwapo atawajibika kwa kiwango cha “asilimia 5 (5 %)” ya sehemu ya jukumu lake, atakuwa

na uwezo wa kutimiza kazi aliyotumwa. Iwapo mtu atashindwa kutimiza wajibu wake, hawezi kuwa mtu wa aina ambayo Mungu alimtaka awe ; wala mapenzi ya Mungu kupitia kwake hayawezi kuhitimishwa.

Kwa mfano, katika msingi wa asilimia 95“ za kuandikiwa kwa Mungu, Mungu ali andikia Adam na Hawa wawe wahenga wa kwanza wa kweli kwa sharti kwamba watimize wajibu wao. Hata hivyo kwa sababu ya matokeo ya kushindwa kwao kutimiza hayo, mapenzi ya Mungu hayakutimizwa. Kama matokeo ya kushindwa huku, ikawa ni lazima kwa Mungu kumtuma Masihi ili aje awe Baba wa kweli wa wanadamu. Mungu pia ali andikia Yuda Iskariote awe mfuasi wa Yesu mwaminifu kama sharti lake la kutimiza wajibi wake. Hata hivyo, wakati Yuda alipomsaliti Yesu, mapenzi ya Mungu yakawa yamebaki bila kutimizwa, na Mungu akamweka Mathias badala ya Yuda (Matendo 1 :15 – 26)

Lingine hebu tuchunguze mambo yanayompa sifa mtu ya kuwa mteule wa Mungu katika mpango wa Ukombozi. Kwanza mtu huyo awe amezaliwa katika Taifa teule, Taifa lililoteuliwa kutekeleza mpango wa Ukombozi. Hii ni kwa sababu watu wateule wako karibu zaidi na Mungu katika roho. Pili, mtu huyo lazima atoke kwa wahenga ambao wana historia ya haki. Ni kawaida kwamba ili kutimiza mpango kwa ajili ya Ukombozi, Mungu angewachagua wale wenye mlolongo wa wahenga maarufu ambao kuna malimbikizo ya manufaa yatokanayo na wao kujitoa mhangana na kuhudumia kwa ajili ya wema kwa wengine.

Tatu, mtu huyo lazima awe amejaliwa tabia ya kiasili inayofaa kutimiza kazi anayopangiwa.

Nne, mtu huyo lazima awe amepata elimu ya kutosha, mafunzo na uzoefu muhimu kwa ajili ya kutimiza jukumu maalum

Tano, mtu huyo lazima azaliwe katika wakati muafaka na sehemu ili kutekeleza mapenzi ya Mungu.

Sifa za kuwa mtu mteule kwa ajili ya Mpango wa Mungu wa Ukombozi


1. Taifa Teule
2. Mababu wazuri
3. Tabia ya kiasili ifaayo
4. Elimu na Uzoefu muhimu
5. Wakati na Mahali muafaka

Hata hivyo, pamoja na kwamba mtu anaweza kuwa na sifa zote hizo, na kuandikiwa na Mungu kwa ajili ya kazi fulani, awe atafaulu au kushindwa katika kazi hiyo, hatakuwa ame andikiwa na Mungu kwa matokeo hayo. Kupata na kuendeleza kazi yake kunawezekana tu pale anapotimiza jukumu lake.

IV : MAELEZO BAYANA AMBAYO HUONEKANA KUUNGA MKONO MAFUNDISHO YA KUANDIKIWA YAKINIFU.

Tunawezaje kufafanua vipengele vile vinavyoelekea kuonyesha kuwa kuteuliwa na wokovu wa mtu vinakuwa moja kwa moja vime andikiwa ? Kwa mfano, tunaielewaje Warumi 8 :29 – 30. “Kwa wale

ambao aliwajua hivyo aliwachagua.....na wale aliowachagua aliwaita pia.....na wale aliwaita ali wahesabia haki, na wale alio wahesabia haki aliwatukuza ?



Warumi 8 : 29-30

Kwa kuwa Mungu ni mjuaji wa yote, anajua nani mwenyesifa ya kuteuliwa kama mtu – kiongozi katika mpango wa toleo la Ukombozi. Kwa kutimiza mpango kwa ajili ya Ukombozi, Mungu hu andikia na kumwita mtu. Hata hivyo mtu anae itwa ha andikiwi kuhesabiwa haki na kutukuzwa moja kwa moja. Ili aweze kuhesabiwa haki, ni lazima atimize majukumu yake. Ni pale tu atakapotimiza wajibu wake kwa kuhesabiwa haki, ndipo anaweza kufurahia utukufu kutoka kwa Mungu. Hiki kipengele kutoka katika Warumi huonekana kutetea kuunga mkono mafundisho ya kuandikiwa yakinifu kwa sababu tu kwa hiki kiwango Biblia haitaji kuhusu jukumu la mtu.

Warumi 9 :15 – 16 inasema, “ ‘Nita mrehemu yeye ani mrehemuye, nitamhurumia yeye ni mruhumiaye’. Hivyo haitegemei mapenzi au jitihada na utashi wa mtu, ila tu kwa huruma ya Mungu”. Kipengele hiki kinaonekana kuonyesha kuwa tamani la mtu, matumaini yake, sala zake, na juhudi zake hazifai kitu na kwamba mtu lazima amtegeme Mungu tu kwa rehema zake. Hata hivyo, hebu tulichunguze suala hili kwa undani zaidi.

Kutokana na msingi wake wa kujua kitu kabla hakija tokea, Mungu peke yake huchagua mtu anayekidhi haja ya kutimiza mpango wa Ukombozi, na niya ya mtu au juhudi zake haziwezi kuzuia au kuathiri maamuzi ya Mungu. Kwa mfano, hakuna anayeweza kuchagua azaliwe nchi fulani, au wa uzao wa familia fulani (maalum), hakuna yeyote anayeweza kuamua ni wapi au lini atazaliwa, hakuna anayeweza kuamua kwamba atazaliwa akiwa na vipaji fulani (maalum) na hakuna anayeweza kuamua juu ya maumbile ya namna hii. Hata hivyo mtu anapochaguliwa, mtu huyo, tamaa yake, matumaini yake, sala zake, na juhudi zake hupelekea iwapo Mungu atamtumia. Madhumuni ya vipengele hivi vya Biblia ni kusesitiza nguvu na rehema za Mungu, kusesitiza vigezo ambavyo Mungu hutumia kuteua na kile anachoamua kufanya na mtu si kazi ya mtu kujua. Madhumuni yake si kukana sehemu ya jukumu la mtu. Warumi sura 9 :21 inasema, ‘Je, mfinyanzi hana haki juu ya udongo, kutengeneza sura ya chombo cha urembo na kingine cha matumizi ya kawaida.’ Mtu kama kiumbe cha Mungu hapaswi kukataa utashi wa Muumbaji wake katika hali yoyote. Kwa hiyo, mtu aliyeanguka, ambaye hana thamani, hastahili kulalamikia utendaji wowote wa Mungu, ambaye ni kiini cha wokovu wake.

Katika Warumi 9 :10 – 13, tunasoma kuwa Mungu alimpenda Yakobo na kumchukia Esau, hata walipokuwa bado ndani ya tumbo la mama yao, na kuwa Esau mkubwa kati yao, alikuwa amtumikie mdogo wake, yaani Yakobo. Kama itakavyofafanuliwa kwa mapana zaidi katika somo juu ya Familia

ya Ibrahim katika mpango wa toleo la Ukombozi. ' Mungu alikuwa anafanya kusudio maalum kupitia kwa kaka hawa. Ukweli kuwa Yakobo alikuwa 'anapendwa' na Mungu haimaanishi angepokea neema za Mungu bila sharti. Ili kupokea upendo wa Mungu, ilimbidi atimize jukumu lake. Pamoja na kwamba Esau alikuwa 'anachukiwa' na Mungu (kwa sababu ya mpango maaum ambao utafafanuliwa baadae), kama angetimiza jukumu lake, naye pia angepokea baraka ya upendo wa Mungu.

Kuamini katika kuandikiwa kiya kinifu kunatokana na kukosekana uelewa juu ya uhusiano kati ya jukumu la binadamu na jukumu la Mungu katika kutimiza kusudio la Mungu katika mpango wa Ukombozi. Kutoelewa hili kumesababisha kuamini kuwa niya ya Mungu hutimizwa kwa tendo la Mungu pekee na kushindwa kung'amua umuhimu mkubwa wa majukumu ya binadamu.